

大日本史

自一至三

番外書冊

五

内閣文庫	
番號	和 13216
冊數	53 (9)
函號	138 102

内閣文庫	和書
三三二一六	類
五三	冊
三八	架

(一六)





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TMI: Kodak





大日本史卷之一

本紀第一

推中納言從三位源光圀 修
男權中納言從三位網條 校

神武天皇

綏靖天皇

安寧天皇

懿德天皇

孝昭天皇

淺草文庫

孝安天皇

孝靈天皇

孝元天皇

開化天皇

神武天皇諱彥火火出見小名狹野古事紀

若御毛沼又沼彥波瀲武鸕鷀草葺不合尊第

四子也本書一本作第三子母曰玉依姬以庚午

歲生以下五字水鏡皇代紀皇年代畧記

畧記曰正月生而明達意確如也年十五立

為皇太子及長納吾平津媛為妃甲寅歲天皇

年四十五歲在日向高千穗宮天皇以下古事記西州

久被其化東國未服從長髓彥奉饒速日命為

主兄猶弟猶八十梟師兄磯城弟磯城等各為


君長不相統一天皇謂諸皇兄皇子曰古事記

五瀨昔我天神高皇產靈尊奉此豐葦原瑞穗

國而授我天祖彥火瓊瓊杵尊是時運屬鴻荒

時鐘草昧故蒙以養正治此西偏皇祖皇考乃

神乃聖積慶重暉多歷年所而遼邈之地猶未



露王澤遂使邑右君村右長各自分疆用相陵
輒又聞於鹽土翁曰東有美地青山四周中有
衆天磐船飛降者余謂彼地足以恢弘大業光
宅天下厥飛降者謂饒速日歟何不就而都之
乎僉曰誠然我亦恒以為念宜速往焉十月五
日辛酉親帥皇兄五瀨命稻飯命三毛入野命
及皇子乎研耳命舟師東征抵速吸門有一漁
人來迎曰珍彥命之鄉導賜名椎根津彥行至
筑紫菟狹菟狹津彥菟狹津媛造宮奉饗以

菟狹津媛賜侍臣天種子命為妻十一月九
日甲午至岡水門十二月二十七日壬午至
安藝居埃宮乙卯歲三月六日己未入吉備
國起行宮曰高島宮居之三年備舟楫蓄兵
食將一舉而平天下古事記曰天皇發日向
國字沙土人字
沙都比古字沙都此賣作宮設饗行至筑紫
居岡田宮一年又抵阿岐國居多祁理宮七
年又備到速吸門過槁根津日子及戊午歲二
月十一日丁未皇師遂東舸艦直進抵浪速
國三月十日丙子溯流至河内草香邑青雲

白肩津シラカシノツ四月九日甲辰勒兵步赴龍田路歧
 隘不得茲行乃還欲東歷膽駒山而入中洲
 長髓彦悉衆徼之カサ孔舍衛坂ウツ與戰不利流矢
 中五瀨命肱師不能進天皇憂之乃深慮曰
 我是日神子孫而向日征虜是逆天也不若
 退還示弱禮祭神祇背負日神之威隨影壓
 蹶則不血又虜必自敗矣古事記為五瀨命所言於是
 引軍而還虜亦不敢逼退至草香津植盾為
 雄詰因改其津曰看津古事記曰天皇自涼
速至白肩津時長髓

彦逆戰王師取舟中之五月八日癸酉至茅
 渟山マナシ城水門五瀨命病創甚撫劍大呼曰慨

哉大丈夫為虜所傷將不報而死耶進至紀
 伊竈山而薨六月二十三日丁巳入名草邑
 誅名草戶畔遂歷狹野抵熊野神邑絕海而
 進遇暴風漂蕩稻飯命三毛入野命憤惋入
 海天皇至荒坂津本書註又浦誅丹敷戶畔時
 有神吐氣作毒觸者迷倒熊野人高倉下獻
 部靈劔天皇適寐忽寤曰予何長眠若此乎

衆軍尋起既而進軍中洲峻絕不可復行天

皇夢天照大神誨曰今遣頭八咫鳥以御導

會頭八咫鳥至天皇大喜古語拾遺曰賀茂

按神皇貴錄姓氏錄曰神魂命孫鴨建身命

化如大鳥奉導天皇嘉其有功八咫鳥號從

也此始令道臣命帥大來目督將從頭八咫鳥

而啓行遂出于菟田下縣八月二日乙未召

菟田魁帥兄獵弟獵兄獵不至弟獵來奏兄

獵反狀乃使道臣命誅之弟獵大設牛酒饗

皇師天皇班酒肉於軍乃為歌是謂來目歌

親率輕兵巡幸吉野有人出井光而有尾古

記曰井天皇問曰何人曰臣名井光是即吉

野者等始袒也姓氏錄曰帝幸吉野至神瀨

天皇召問之汝誰人答曰臣是自天降來白

雲別神女名曰豐御富天皇即名水光姬今

吉野神是也尋有排磐石出者亦有尾天皇

又問之對曰磐排別之子是吉野國櫛部之

先也姓氏錄曰時沿水西行遇作梁捕魚者

因問之對曰苞苴擔之子是阿太養鸕部始

袒也按古事記天皇後八咫鳥後入吉野初

菟田名兄狩事皆與本書同而次序異九月五日戊辰天皇

登菟田高倉山瞻望城中八十梟帥軍國見
岳上置女軍於女坂男軍於男坂熾炭於墨
坂又有兄磯城兵跨磐余邑據守要害道路
絕塞天皇惡之有祈而夢時會弟猶奏其言
與夢協天皇大喜命椎根津彥弟猶取天香
山土造八十平尾ヒラカ天手タテ扶嚴イ親祭神祇於
丹生川上祝曰吾當用八十平尾無水造ツクリ飴
飴成則不假鋒又坐平天下飴果成又祝曰

吾當沈嚴ツツ於丹生川若群魚醉而浮則吾
能定國及沈菟魚皆浮出天皇歡甚乃拔丹
生川上真坂樹以祭諸神祭神用嚴ツツ自此
始又親ミ齋祭高皇產靈尊敕道臣命為齋
主授嚴ツツ號十月癸巳朔天皇嘗嚴ツツ之糧
勒兵而出遂破八十梟帥於國見岳斬之廼
授密旨於道臣命誘其餘黨殲之天皇曰戰
勝而無驕良將之規也今賊斛既滅同惡未
殄頓軍一處非制變之道乃徙營別處十一

月七日己巳大舉將攻磯城遣使召其魁兄
磯城拒命弟磯城來降因使弟磯城曉諭兄
磯城及兄倉下弟倉下皆不聽乃用椎根津
彥計設奇兵自墨坂出其後來擊破之遂斬
兄磯城十二月四日丙申進討長髓彥連戰不
克適天陰兩水有鴉集天皇弓彈金色擘煌
狀如流電賊軍迷眩不能復戰天皇常憾五
瀨命預命意必勤絕長髓彥長髓彥素奉饒
速日命為君故疑天皇詐稱天神子於是天

皇出天羽羽天及步鞞視之長髓彥猶豫不
降饒速日命殺長髓彥率眾歸順天皇褒寵
之賜子可美真命以訶靈劔賜以下紀己未
歲二月二十日辛亥命諸將練士卒分遣偏
師誅層富縣土蜘蛛新城戶畔居勢祝猪祝
等釋曰本紀曰時謂賊之穴居者為土蜘蛛又高尾張邑有土蜘蛛
蛛身短而手足長皇軍結葛網掩殺之因改
邑為葛城按本書先是弟狛奏高尾張邑有赤銅八十梟帥據之則此云土蜘蛛者蓋赤銅八十梟帥之類三月七日下午卯令曰自我東

征於茲六年賴皇天之威凶徒就戮雖邊土未靖餘妖尚梗而中洲之地無復風塵宜恢廓皇都大壯規幕而今運屬屯蒙民心朴素崇棲穴處習俗惟常夫大人之制義必隨時苟有利民何妨興造且當披剪山林經營宮室而恭臨寶位以鎮元元上則答乾靈授國之德下則弘皇孫養正之心然後兼六合以閭都掩八紘而為宇不亦可乎觀夫畝傍山東南極原地蓋國之壤區宇宜都于此是月命

有司經始檀原宮庚申歲九月二十四日

己本書作己巳推甲子是月壬午朔無己巳今從舊事紀納媛名媛陷鞠名鞠五

十鈴媛為正妃

元年辛酉春正月庚辰朔即天皇位於檀原

宮號神日本磐余彥火火出見天皇立正妃

為皇后建神籬祭八神鎮護國象建紀已下舊

拾遺神皇實錄天富命率諸齋部捧天璽鏡劔

奉安正殿天種子命奏天神壽詞可美真乎

命率內物部執矛楯嚴儀衛道臣命率來目

部護衛宮門群臣朝賀舊事紀古命天種子

命天富命主祭祀掌朝政舊事紀古語拾遺

抄可美真手命獻十種天瑞寶及部靈劍舊事

紀冬十一月十五日庚寅可美真手命為天

皇皇后祭天瑞寶以鎮御魂祈壽祚詔每年

仲冬中寅行之著為永式鎮魂祭始于此舊

紀年中

二年壬戌春二月二日乙巳定功行賞按舊

是日以可美真手命天日彥彥命賜

臣命宅地以椎根津彥為倭國造弟猶為

田縣主弟磯城為磯城縣主劔根為葛城國

造頭八咫鳥等賞賜有差

四年甲子春二月二十三日甲申詔曰吾皇

祖之靈自天降鑒光助朕躬今諸虜已平海

內無事可以郊祀天神用申大孝乃作時於

鳥見山祭皇祖天神

三十一年辛卯夏四月乙酉朔車駕巡幸登

腋上カサカサ喙間ノド丘望地形曰姫哉乎國之獲矣雖

内木綿之真迹國猶如蜻蛉之聲啾焉秋津

洲之號始于此舊事紀係四年蜻蛉秋津國音相通

四十二年壬寅春正月三日甲寅立皇子神

渟名川耳尊為皇太子

七十六年丙子春三月十一日甲辰天皇崩

於檀原宮年一百二十七古事記曰壹伯參拾柒歲凡古事記

所載崩年多與本書不合今葬畝傍山東北

陵古事記曰陵在畝傍山東北追謚曰神武天皇傳稱賀茂

下社奉祭天皇曰御祖神皇出於天皇云

綏靖天皇神武帝第五子也本書為第三子

第三子也然有二冊媛蹤躰五十鈴媛皇后

天皇天資純孝幼而歧嶷有雄拔之氣及壯

容貌魁偉志尚沉毅最長武事神武帝四十

二年立為皇太子時年十四時年以水鏡

思管鈔皇代紀曰時年十九皇代及神

武帝崩悲慕無已悉心葬事丁丑歲九月十

二日丙寅葬神武天皇庶兄手研耳命久習

朝機諒闇之間皇太子委事行之手研耳命

檀張威福包藏禍心圖害二弟皇太子陰知之山陵事畢與母兄神八井耳命謀作弓矢為備己卯歲十一月會于研耳命卧片丘大嘗皇太子謂神八井耳命曰言貴密事宜慎唯吾與爾所嘗謀者適此時也吾先排戶爾隨射之皇太子排戶神八井耳命戰慄不前皇太子奪其弓矢射殺于研耳命神八井耳命嘆曰我即迺兄而懦弱不能致果汝特挺雄武親誅元惡迺身能續天位以承皇業吾嘗

為汝輔奉典神祇據古事記天皇既殺于研耳命因稱其名曰健沼何

耳尊今按沼淳名國音相近健者武之稱也

元年庚辰春正月八日己卯皇太子即天皇

位於葛城高丘宮是為神渟名川耳天皇尊

皇后曰皇太后帝子也世五十餘代皇

二年辛巳春正月五五十鈴依媛為皇后舊事

紀曰三年正月以彥湯文命為中食國政大夫

四年癸未夏四月神八井耳命薨

二十五年甲辰春正月七日戊子立磯城津

彥王子者尊為皇太子

三十三年壬子夏五月天皇不豫十日癸酉

崩年八十四古事記曰肆拾伍歲葬高市郡桃花鳥田

丘上陵追謚曰綏靖天皇

安寧天皇綏靖帝子也母五十鈴依媛皇后

綏靖帝二十五年立為皇太子時年十一本

舊事紀茲曰年二十一水鏡皇年代畧記曰

年十一據本書崩年五十七推之十一為得

蓋行三十三年五月綏靖帝崩七月三日乙

丑皇太子即天皇位是為磯城津彥王子者

天皇天皇十四日

元年癸丑冬十月十一日丙申葬綏靖天皇

尊皇后曰皇太后

二年甲寅遷都片鹽謂之浮孔宮皇代紀皇

歷代皇紀曰左

三年乙卯春正月五日壬午立濟名底仲媛

為皇后舊事紀曰四年四月以出雲色命

十一年癸亥春正月壬戌朔立大日本彥躬

及尊為皇太子

友

三十八年庚寅冬十二月六日乙卯天皇崩

年五十七古事記曰葬於傍山南御陰井上

陵延喜式山追諡曰安寧天皇

懿德天皇安寧帝第二子也水鏡皇代紀母

淳名底仲媛皇后安寧帝十一年立為皇太

子時年十六三十八年十二月安寧帝崩

元年辛卯春二月四日壬子皇太子即天皇

位是為大日本彥耜友天皇秋八月丙午朔

葬安寧天皇九月十四日己丑尊皇后曰皇

太后

二年壬辰春正月五日戊寅遷都於輕謂之

曲峽宮皇代紀皇年代畧記皇紀曰在大和

二月十一日癸丑立天豐津媛為皇后

二十二年壬子春二月十二日戊午書作

推甲子後立觀松彥香殖稻尊為皇太子

三十四年甲子秋五月八日辛未天皇崩年

七十七本書皇年闕古事記曰肆拾伍歲

正統畧記葬於傍山南織沙路上陵追諡曰

懿德天皇

孝昭天皇懿德帝子也母天豐津媛皇后懿德帝二十二年立為皇太子時年十八三十四年九月懿德帝崩明年乙丑十月十三日庚午葬懿德天皇

元年丙寅春正月九日甲午皇太子即天皇位是為觀松彥香殖稻天皇夏四月五日己未尊皇后曰皇太后秋七月遷都掖上謂之

池心宮

皇代紀皇紀曰在大和葛上郡

二十九年甲午春正月三日丙午立世襲足媛為皇后

六十八年癸酉春正月十四日庚子立日本足彥國押人尊為皇太子

八十三年戊子秋八月五日辛酉天皇崩年一

百十四

本書享年關古事記曰致拾參歲今據立太子年推之後水鏡皇代紀皇

年代葬掖上博多山上陵追謚曰孝昭天皇

孝安天皇孝昭帝第二子也母世襲足媛皇后孝昭帝六十八年立為皇太子時年二十

八十三年八月孝昭帝崩

元年己丑春正月七日辛卯皇太子即天皇

位是為日本足彥國押人天皇秋八月辛巳

朔尊皇后曰皇太后

二年庚寅冬十月遷都於室謂之秋津島宮

皇年代畧記曰在大和著上郡舊事紀曰
三年八月以六兒命三兒命茲為名祢

二十六年甲寅春二月十四日壬寅立押媛

為皇后

三十八年丙寅秋八月十四日己丑葬孝昭

天皇按葬孝昭帝不應葬疑當為此舊事紀為
元年己丑八月葬疑當為此舊事紀為

總不可得而知今
據本書不輒改焉

七十六年甲辰春正月五日癸酉立大日本

根子彥太瓊尊為皇太子

一百二年庚午春正月九日丙午天皇崩年

一百三十七本書享年闕古事紀曰壹佰貳拾
參歲今據立太子年推之從水鏡

皇代畧記葬玉手立上陵追謚曰孝安天皇

孝靈天皇孝安帝子也母押媛皇后孝安帝

七十六年立為皇太子時年二十六一百二

年正月孝安帝崩九月十三日丙午葬孝安

天皇十二月遷都黑田謂之盧戶宮皇代紀
皇年代

略記皇紀曰在
大和城下郡

元年辛未春正月十二日癸卯皇太子即天

皇位是為大日本根子彥太瓊天皇尊皇后

曰皇太后

二年壬申春二月十二日丙寅立細媛為皇

后舊事紀曰三年正月以大水
命大矢口命茲為名禰

三十六年丙午春正月己亥朔立彥國牽尊

為皇太子

七十六年丙戌春二月八日癸丑天皇崩年

一百二十八本
書享年關古事記壹佰陸歲

推之從愚管抄
皇年代略記葬片丘馬坂陵追謚曰孝靈

天皇

孝元天皇孝靈帝長子也母細媛皇后孝靈

帝三十六年立為皇太子時年十九七十六

年二月孝靈帝崩

元年丁亥春正月十四日甲申皇太子即天

皇位是為大日本根子彥國牽天皇尊皇后
曰皇太后

四年庚寅春三月甲午本書曰春三月甲申

月癸未朔十二日甲子朔甲午今推甲子三

一日甲午蓋正訛作三乎然無所校正遷都

於輕謂之境原宮
六年壬辰秋九月六日癸卯葬孝靈天皇舊事

紀曰四

七年癸巳春二月二日丁卯立懋色讓為皇

后舊事紀讓作懋○舊事紀曰八

二十二年戊申春正月十四日壬午立稚日

本根子彥太日日尊為皇太子

三十九年乙丑夏六月大雪水鏡皇代紀

五十七年癸未秋九月二日癸酉天皇崩年

一百十六本書享年閱古事記伍拾柒歲水

鏡百十七今據立太子年推之從

皇年代 葬 劔池島上陵古事記曰劔追謚曰

孝元天皇

開化天皇孝元帝第二子也母懋色謎皇后

孝元帝二十二年立為皇太子時年十六五

十七年九月孝元帝崩十一月十二日壬午
皇太子即天皇位是為稚日本根子彥太日
日天皇

元年甲申春正月四日癸酉尊皇后曰皇太
后冬十月十三日戊申遷都春日謂之率川
宮

五年戊子春二月六日壬子葬孝元天皇舊
紀曰六年葬按舊事紀以帝即位年紀元故
與本書差一年今不取如安康紀雄略紀仁
賢紀亦以即位年為元與本紀書異而至書
他年事則與本書同如宣化紀紀元謬誤殊

甚今不悉
標名處

六年己丑春正月十四日甲寅以伊香色謹

為皇后舊事紀謹作誌○舊事紀曰七年
正月以武建命大率命茲為大禰

二十八年辛亥春正月五日丁酉立御間城

入彥尊為皇太子

六十年癸未夏四月九日甲子天皇崩年一

百十一古事記曰陸拾參代畧記曰百十一
皆曰百十五皇代畧記曰百十一

據立太子年推之實葬春日率川坂本陵延

式本追謚曰開化天皇

大日本史 卷之一

新羅國遣使曰... 大正天皇... 二十八年... 大日本史卷一終

大日本史卷一終

大日本史卷二

本紀第三

權中納言從三位源光圓

修男權中納言從三位源綱條

校

崇神天皇

垂仁天皇

景行天皇

成務天皇

崇神天皇 開化帝第二子也 母伊香色謎皇

后。天皇資性聰敏。幼好雄畧。及壯。寬博謹慎。崇重神祇。恒有經綸天業之心。開化帝。二十八年。立為皇太子。時年十九。六十年四月。開化帝崩。十月三日乙卯。葬開化天皇。元年甲申。春正月十三日甲午。皇太子即天皇位。是為御間城入彥五十瓊殖天皇。尊皇后曰皇太后。二月十六日丙寅。立御間城姬為皇后。三年丙戌。秋九月。遷都磯城。詔之瑞籬宮。四年丁亥。冬十月二十三日壬午。詔曰。惟我祖

宗光臨宸極。豈為一身。蓋所以司牧人神。經綸天下。故能世闡玄功。時派至德。今朕奉養大運。愛育黎元。何當書尊皇祖之跡。永保無窮之祚。其群卿百僚。竭爾忠貞。共安天下。舊事

紀曰。是歲二月。以建。臆心。余。為大。禰。多辨。余。為。名。禰。安。毛。建。美。余。為。侍。臣。

五年戊子。民多疾疫。死乙大半。六年己丑。百姓流離。或有背叛。天皇憂惕。請罪神祇。先是祭天照太神倭大國魂神於殿內。至此畏其瀆神。使皇女豐歙入姬。遷神鏡

靈劍於倭笠縫邑而祭天照太神。別摸鏡劍。

奉安殿內以為護身御璽。遷摸鏡劍據古語

坐本紀又命皇女淳名城入姬祭大國魂

神。丁巳十月使倭建初伊勢奉祀大神時

倭太神憑大天原皇御孫尊專治葦原中國

照太神憑大天原皇御孫尊專治葦原中國

祭十魂神我親治大地官者御間天皇短命

今如御孫尊悔先皇之不及而慎修祭祀則

因探湯至下誰能祭者淳名城稚姬余十嶮

而淳名城稚姬身體瘦弱奉祭

七年庚寅春二月十五日辛卯詔曰昔我皇

祖大啟鴻基聖業逾高王風博盛不意今當

朕世數有災害恐朝無善政取咎於神祇盍

命神龜以極致災之所由於是天皇幸神淺

茅原下之於八十萬神乃祭天物至神冬十

一月八日己卯按本書諸本作丁卯今推命

伊香色雄為班神物者使太雨田根子祭大

物至大神長尾帝祭倭大國魂神然後下祭

他神吉乃別祭八十萬神是天社國社神地

丙字田誤

疾疫

根

大日本史 卷之二

神戶。於是疫疾始息。年豐民安。

八年辛卯冬十二月二十日乙卯。令大田田

掾子。祭大神。掌酒。治日獻神酒而敬。因宴神

宮。宴竟。天皇及諸大夫。壽哥。

九年壬辰夏四月十六日己酉。天皇感夢。相墨

坂神大坂神。奉幣帛於訶瀨御尾神。奉幣以下古事記

十年癸巳秋七月二十四日己酉。詔曰。尊氏

之未在於教化。今既禮神祇。災害悉息。然遠

荒之人。未慣王化。其還群鄉。遣于四方。令知

朕意。九月九日甲午。遣大彥命於北陸。武渟

川別於東海。吉備津彥命於西道。丹波道主

命於丹波。因詔曰。有不愛教者。舉兵伐之。既

而共授印綬。為將軍。將軍始于此。此將軍始于此

抄神皇正統記古事記曰遣大彥命于高志

道武渟川別于東方十二道令平不順者又

遣彥坐王于丹波殺玖賀耳御笠物不及發

載吉備津彥命丹波道主命與本書異及發

會武植。安彥及。與妻吾田媛。欲襲京師。即

使大彥命。吉備津彥命。彥國。葺討之。武植安

彥。吾田媛。伏誅。冬十月乙卯朔。詔群臣曰。及

大日本史 卷之三

四

者伏誅畿內無事唯海外荒俗騷動未止其
四道將軍速行二十三日丙子大彥命等發
京師十一年甲午夏四月二十八日己卯四
道將軍奏平戎夷狀是歲異俗多歸國內安
寧

十二年乙未春三月十一日丁亥詔曰朕初
兼天位獲保宗廟明有所蔽德不能綏是以
陰陽謬錯寒暑失序疫癘天作百姓蒙災故
余解罪改過敦祀神祇垂教而綏荒俗用兵

大

未

以討不服是以官無廢事下無逸民教化流
行衆庶樂業異俗重譯海外歸化宜當此時
更校入民令知長幼之次序課役之先後秋
九月十六日己丑始校人民東課調役此謂
男弭調女予米調至是神祇和享風雨順時
百穀有稔家給人足天下太平故稱曰御聲
國天皇

十七年庚子秋七月丙午朔詔躬者天下之
要用也而今海邊之民甚苦陸運其令諸國

造船舶冬十月始造船舶皇代紀皇紀年代畧記歷代皇紀漁觴

抄曰十四年丁酉伊豆國獻巨舩未知何據

四十八年辛未夏四月十九日丙寅立活目

尊為皇太子令豐城命治東國

六十年癸未秋七月出雲振根以獻神室故

殺茅飯入根遣吉備澤彥命武渟川洲討振

根振根伏誅

六十二年乙酉秋七月二日丙辰詔曰農者

天下之本民所恃以生也今河內挾山埴

田水乏百姓怠於農事其多開池溝以廣民

業冬十月作依網池十一月作荊坂池坂折

池本書注一說曰帝居柔間宮造此三池

六十五年戊子秋七月任那國始遣蘇那曷

叱知朝貢是歲始造熊野木宮是歲以下水鏡皇紀代畧

記熊野畧記引古今皇代畧

六十八年辛卯冬十二月五日壬子天皇崩

年一百十九古事記曰壹佰陸拾捌歲本書曰事紀曰百二十水鏡曰百

十九據立太子年推之葬山邊道上陵曰帝紀

世始名入民製衣冠造酒酢橋車未知何據 追謚曰宗神天皇。

重仁天皇宗神帝第三子也。母御間城姬皇后。以崇神帝二十九年壬子春正月己亥朔生於瑞籬宮。生而有政疑之姿。及壯個儼大度。率性任真。無所矯飾。帝鍾愛之。常在左右。四十八年正月。崇神帝謂天皇及豐城命曰。朕於二子慈愛無異。不知孰為嗣。有夢宣告。朕以夢占之。二皇子沐浴而寢。各得夢。明日豐城命入奏。臣夢登御諸山向東。

弄槍八擊刀八。天皇奏夢登御諸山巔。紐繩四方。逐啄粟萑。宗神帝諭之曰。兄唯向東。宜治東國。弟臨四方。宜繼朕位。遂立天皇為皇太子。時年二十。本書曰二十四水鏡曰二十據宗神帝二十九年壬推之六十八年十二月崇神帝崩。

元年壬辰春正月二日戊寅皇太子即天皇位。是為活目入彥五十狹茅天皇。冬十月十一日癸丑葬宗神天皇。本書崇神紀曰八月甲寅

未葬蓋有一誤知孰是十一月二日癸酉尊皇后曰皇

太后

二年癸巳春二月九日己卯立挾穗姬為皇

后冬十月遷都纏向謂之殊城宮皇代紀皇

和紀曰在大是歲任那使蕪那智智語歸

國許之特厚結與賜赤絹一百匹於任那王

新羅人邀道奪之二國始構怨

三年甲午春三月新羅王子天日槍歸化藏

所齎室物於但馬土人崇奉為神室

五年丙申冬十月己卯朔幸來目高宮皇后

克挾穗彥謀反使將軍八網討之挾穗彥

伏誅皇后死城中

七年戊戌秋七月七日乙亥召當麻人蹶連

出雲人野見宿禰觀角力

十五年丙午秋八月壬午朔立日桑酢媛為

皇后納其三妹淳葉田邊入媛真砥野媛薊

瓊入媛玆為妃是月星隕如雨是月鏡

二十五年丙辰春二月八日甲子詔武渟川

別彥國葺大鹿島十市根武日五大夫曰舊

紀曰二十三年八月以十市根我先皇惟敵作聖

欽明聽遠深執諒損志懷冲退綢繆機衡禮

祭神祇克已勤躬日慎一日是以人民富足

天下太平令當朕世祭祀神祇豈得有怠三

月十日丙申使倭姬代豐敏入姬奉齋天照

太神倭姬奉天照太神立祠伊勢建齋宮於

五十鈴川上

二十六年丁巳秋八月三日庚辰遣物部十

千根檢出雲神室仍命掌之冬十月甲子本

二十五年註今推于支十月遷天照太神宮

於渡遇本書註鎮座傳記鎮以大鹿島為祭

至大幡至為天神至傳世紀

二十七年戊午秋八月七日己卯令初宮卜

兵罍為祭幣吉乃納弓矢刀於諸社更定神

地神戶以時祭之以兵罍祭神始于此是歲

置屯倉于來目邑按本書仁德紀曰纏白玉

傳屯田而不載具年月蓋謂之乎

二十八 年 己未 冬 十月 五日 庚午 倭彥命薨
聚近習為殉 天皇聞而恻之 詔群卿曰 生而
所愛死而為殉 不亦慘乎 雖古之遺風 曷可
遵用 自登議正之

三十二 年 癸亥 秋 七月 六日 己卯 皇后日葉
酢媛崩 詔曰 殉死之俗 前知不可 今此之葬
為之祭 何 野見宿禰奏 請以土物代之 天皇
嘉之 立為永制 以野見宿禰任土部職 建真
利根命獻石棺 賜姓石作連 建真以下
姓氏錄

三十四 年 乙丑 春 三月 二日 丙寅 行幸山背

三十五 年 丙寅 秋 九月 遣皇子五十瓊敷命

于河内 作高石池 茅渟池 冬 十月 作倭狹城

池 迹見池 古事記曰 作血沼池 狹山池 高是
澤池 按血沼與茅渟國語相近

歲令諸國開池溝 凡八百 以勸農事 民賴啟
富

三十七 年 戊辰 春 正月 戊寅朔 立天足彥尊
為皇太子

三十九 年 庚午 冬 十月 五十瓊敷命作劔一

午口藏于石上神宮。天皇聞之命五十瓊敷命掌之為定河上部。為定以下古事記

八十六年丁巳遣使於漢。皇紀濫觴抄按後漢書曰建武中元

二年倭國奉貢使人自稱大夫正與之合然

本書無所見恐非朝廷所命也書以備考

八十七年戊午春二月五日率仰物部十市根代五十瓊敷命掌石上神室。

八十八年己未秋七月十日戊午遣使但馬

詔清彥獻其神室救藏之官府。

九十年辛酉春二月庚子朔遣田道間守求

非時香菓於常世國。

九十九年庚午秋七月戊午朔。今推己朔亦誤

午十四日也疑有脫誤舊事記戊子朔亦誤矣按本書景行記曰春二月崩與此異未知孰是

天皇崩于纒向宮年一百三十九。古事記曰古事記

在拾參歲本書舊事記並曰百四十據本書

帝以崇神帝二十九年壬子生而庚午崩一

百三十九歲葬菅原伏見陵東院古事記作

菅原御立野續曰追謚曰垂仁天皇

景行天皇垂仁帝第三子也母日葉酢媛皇

后天皇姿貌雄偉長一丈二寸睦四尺一寸

日代宮

十二年壬午秋七月筑紫熊襲反八月十五日己酉車駕親征九月五日戊辰次周苦姿磨天皇南望曰烟氣簇起賊必在此先遣武諸木菟名乎夏花察之有女子神夏磯媛國之魁帥部衆最多聞使者至來降告曰菟狹川鼻垂御木川耳垂高羽川麻剝綠野川土折猪折此四賊各據要害拒絕皇命請急擊之於是武諸木等誘降麻剝賞以赤衣禪及

姿

雜貨使之招降三賊隨至悉誅之天皇進至豐前長岐縣造行宮而居故號其處曰京冬十月天皇至額田國速見邑有女子速津媛為邑之長來告曰鼠石窟有青土蜘蛛百五蜘蛛直入縣禰疑野有折媛八田國摩侶三土蜘蛛負力權衆皆曰不從皇命若強召之必為利冠天皇惡之駐軍于來田見邑權與宮室居之與群臣議今以兵衆臨之彼逃匿山野必為後患因簡銳卒以海石榴作拒授

之披山排尋直襲石窟破之稻葉川上悉殺
音白二賊進至稱疑山討步後賊據山兩射
引軍還城原下于水上勒兵先擊八田於稱
疑野破之步後等恐懼請降不聽皆投崖谷
而死初天皇以柏歧大野有巨石長六尺天
皇祝曰朕試蹴石其輕如柏葉則得滅土蜘蛛
因蹴而騰之故名其石曰踏石十一月幸
日向起行宮是謂高屋宮十二月五日丁酉
議討熊襲詔群卿曰朕聞賊帥厚鹿文迺鹿

進

義

文醜類甚多謂之熊襲八十梟師其鋒不可
當兵寡則不足滅賊多則百姓被害將者何
計不假鋒又坐平其國時有一臣進曰彼有
二女曰帝乾鹿文市鹿文兼而有勇宜啗以
重幣誘納之使其圖之賊必敗矣天皇從之
招納二女陽孽而乾鹿文既而市乾鹿文進
策請一二兵為從者歸家飲又以醇酒伺其
醉臥密斷弓弦從兵進殺之天皇惡其大逆
誅市乾鹿文以妹市鹿文賜火國造

十三年癸未夏五月襲國悉平是月賜諸國

民姓是月以下皇代紀皇年代畧記皇紀
紀濫觴抄按帝王編年記係五年

十七年丁亥春三月十二日己酉幸子湯縣

丹蒙小野東望思歸而歌是謂思邦歌

十八年戊子春三月車駕發高屋宮巡狩筑

紫到夷守諸縣君泉媛獻食夏四月三日甲

子至熊縣召熊津彥兄弟熊應命弟熊不

來遣兵誅之十一日壬申夜海泊葦北小島

方食使小左進水島素無水小左斯神祇寒

新

名

泉忽滂酌以獻因號水島五月壬辰朔至火

國六月三日癸亥至玉杵谷邑誅二蜘蛛海本作津

頰十六日丙子至阿蘇國秋七月四日甲午

至御木國居高田行宮七日丁酉至八少作縣

八月至浮羽邑

十九年己丑秋九月二十日癸卯天皇至自

日向

二十年庚寅春二月四日甲申遣五百野皇

女祭天照太神

二十五年乙未秋七月三日壬午遣武内宿禰觀察東北諸國地形民風

二十七年丁酉春二月十二日壬子武内宿禰還自東國秋八月熊襲又及冬十月十三

日己酉使皇子日本武尊討熊襲四事紀係二十年蓋

誤十二月日本武尊誅川上梟師餘黨悉平

二十八年庚戌春二月乙丑朔日本武尊歸

奏平賊狀

四十年庚戌夏六月東夷反秋七月十六日

戊戌天皇親授斧鉞於日本武尊征之吉備

武彥天伴武日從焉封皇子天碓命於美濃

冬十月日本武尊發京師過伊勢拜神宮倭

姬以草薙劍授之

四十三年癸丑東夷悉平日本武尊歸至伊

勢能褒襄野而疾獻俘虜於神宮使吉備武彥

奏捷京師尋薨天皇悼惜錄其功名為定武

部

五十一年辛酉春正月七日戊子召群臣宴

數日秋八月四日壬子彥推足彥尊為皇天
 子以武內宿禰為棟梁臣倭姬上言曰木武
 尊所獻蝦夷凶戾誼譁不可近神宮命徙之
 御諸山側虜伐木劫民詔曰蝦夷本有歎心
 難任中國宜隨其習性分居畿外乃放諸播
 磨讚岐伊与安藝阿波伊豫諸本作伊勢今據兼永本訂之
 五十二年壬戌夏五月四日丁未皇后播磨
 大郎姬崩秋七月七日己酉立八坂入姬為
 皇后

興

五十三年癸亥秋八月丁卯朔詔曰朕顧愛
 子何日能已冀欲巡狩小碓王所平之國是
 月乘輿幸伊勢轉入東海冬十月至上總從
 海路抵淡永門十二月還至伊勢居齋宮
 五十四年甲子秋九月十九日己酉還自伊
 勢居纏向宮

五十五年乙丑春二月五日壬辰以彥狹島
 王拜東山道十五國都督薨于路
 五十六年丙寅秋八月使御諸別王襲父彥

狹島職時蝦夷擾亂御諸別討平之

五十七年丁卯秋九月作坂手池築堤裁竹

冬十月令諸國置田部屯倉

五十八年戊辰春二月十一日辛亥行幸近

江居志賀是謂高元穗宮是歲始造熊野新

宮是歲已下水鏡熊野畧記引古今
皇代圖按編年記為二十年蓋誤

六十年庚午冬十一月七日辛卯天皇崩于

高元穗宮年一百四十三古事記曰壹佰參
拾柒歲本書曰事

紀茲曰一百六歲水鏡曰百四十三也故從之葬

大和山邊道上陵追謚曰景行天皇

成務天皇景行帝第四子也母八坂入姬皇

后身長一丈身以下
水鏡景行帝五十一年正月

賜宴群臣天皇及武內宿禰不朝召問故對

曰百僚宴樂情在戲遊不存國家若有狂夫

伺隙乎故侍門下備非常帝喜之按本書曰
四十六年

立為皇太子而景行紀五十二年正月書皇

子八月壬子書立為皇太子其父明確雖無
他考證事實不可八月立為皇太子本書曰
移今從景行紀

四然立太子年月
從景行紀故不書六十年十一月景行帝崩

雜

元年辛未春正月五日戊子皇太子即天皇

位於高元穗宮高元穗宮據舊事紀古事記是為雅足彥

天皇

二年壬申冬十一月十日壬午葬景行天皇

尊皇后曰皇太后尊皇后舊事紀係元年

三年癸酉春正月七日己卯始以武內宿禰

為大臣延喜式公卿神任正統記皆曰大臣號始于武內按舊事紀自懿德朝以

出雲色命為大臣以下書任天臣亦多而本書所不載今不取

四年甲戌春二月丙寅朔詔曰我先皇聰明

神武膺籙受圖順天治人撥亂反正德侔覆

燾道恢造化是以普天率土莫不王臣稟氣

懷靈莫不得所朕嗣踐室祚夙夜兢惕然黎

元蠢爾不悛野心是由國郡無君長縣邑無

首渠也自今以後國郡立長縣邑置首取幹

了者任其首長以為中區之藩屏

五年乙亥秋九月令國郡立造長縣邑置稻

置並賜楯矛以為表畀山河分國縣隨阡陌

定邑里東西為日縱南北為日橫山陽曰影

面山陰曰背面足以百姓安居天下無事

四十八年戊午春三月庚辰朔五皇姪足彥

彥為皇太子古事記曰帝娶建忍山重根女

書舊事紀仲哀紀及水鏡皇年代畧記等諸

書皆云帝無男且無納后妃之文古事記所

載無所考實故今不取

六十年庚午夏六月十一日己卯天皇崩書

曰一七歲古事記曰致指伍歲水鏡曰一

百九按本書紀首書景行帝四十六年為皇

太子時年二十四姑後此文推之則五十八

歲然其文難據現見上參互景行紀五十一

年立太子與年二十四之文推之則九十

三歲皆與百七歲不合無所取決故不書葬

天和狹城角列陵延喜式曰狹城追謚曰成

務天皇

大日本史卷二終

大日本史卷三

本紀第三

權中納言從三位源光圓 修

男權中納言從三位綱條 授

仲哀天皇

應神天皇

仲哀天皇日本武尊第二子也母兩道入姬

按本書書母皇后然無 天皇睿姿端正身長

十尺成務帝四十八年立為皇太子 本書註

註並曰時年三十一按景行帝四十二年日
武尊薨至此凡六十六年據年三十一則
以成務帝十八年生距日本武尊薨三十六
年且本書元年詔有朕未逮弱冠而父王既
崩之文其誤
可知故不取
六十年六月成務帝崩明年辛

未九月六日丁酉葬成務天皇

元年壬申春正月十一日庚子皇太子昂天

皇位是為足仲彥天皇秋九月丙戌朔尊兩

道入姬曰皇太后冬十月以天伴武內為大

連天連始于此冬十月以下延喜式愚管鈔

二十三年以物部大連新河奈為十一月乙酉

朔詔諸國貢白鳥養之於日本武尊陵城之池

閏月四日戊午越國貢白鳥四皇芽蘆髮蒲見

別王有罪伏誅

二年癸酉春正月十一日甲子立氣長足姬為

皇后二月六日戊子行幸角鹿造將宮而居之

是謂筒飯宮是月置泆路化倉三月十五日丁

卯天皇巡狩南國留皇后及百寮於角鹿鄉大

夫以下官人數百從駕至紀伊居德勒津宮會

熊襲及天皇親征兵師直指穴門是日遣使角

筒

鹿令皇后會于穴門夏六月十日庚寅天皇泊
豐浦津皇后至停田門有海鯨魚多傍舩而游
皇后以酒灑之魚醉而浮漁人得之以為聖王
之賜自是每歲六月魚浮如醉秋七月五日乙
卯皇后至自角鹿是日皇后得如意珠於海中
九月興宮室于穴門居之是謂豐浦宮
八年己卯春正月四日壬午進幸筑紫因縣
至祖熊罴來迎於岡芳沙磨浦獻魚鹽地指
導海路自山鹿岬轉入國浦而舩不進天皇

責熊罴熊罴謝曰是非臣眾浦口有二神曰
大倉主曰菟夫羅媛必此所為天皇使菟田
伊賀彥祭之舩乃得進皇后自洞海至潮涸
舩不能進熊罴惶懼乃作池沼多衆魚鳥使
皇后觀焉后忿稍解既而潮至進泊岡津時
筑紫五十迹手來迎穴門引島獻八尺瓊白
銅鏡十握劔因奏曰臣所以獻之者願天皇
御宇如八尺瓊之白以妙照臨山海如白銅
鏡之分明提十握劔以平天下矣天皇嘉之

讎

又

賜號伊獲志二十一日己亥幸讎縣居檀日
 宮秋九月五日己卯與群臣議討熊襲時有
 神憑皇后曰天皇何憂熊襲之不服是旂之
 空國也豈足煩兵哉別有室國金銀彩色多
 生其地謂之栲衾新羅國其御舩及元門大
 田為幣以祭我當使天皇看其國而熊襲亦
 自服矣天皇疑焉使登岳遙望海曠遠不見
 國乃曰朕周望之有海無國神何誘朕且我
 皇祖諸天皇盡祭神祇豈有所遺耶神又憑

皇后曰我之所見何謂無之天皇誅誘我言
 如此則不得其國今皇后有身其子當得之
 天皇終不聽討熊襲不克而還是歲秦始皇
 之裔功滿王來朝是歲以下姓氏錄按三代
 四年歸化獻璋室蠶種據姓氏錄獻玉功滿王
 帛蠶種功滿玉子弓月王也附以備效

九年庚辰春二月五日丁未天皇忽看身痛
 六日戊申崩于檀日宮本書註一本及曰事
 天而崩曰事紀又曰武內大臣勸天皇彈琴
 以神神于時日暮而琴音頓絕拳火視之天
 皇忽看身痛而明日崩即知不信神教而中
 賊矢早崩古事記曰天皇將討熊襲而彈

琴徒内大臣居沙庭詰神奈皇后以神言白
 天皇而天皇不信遂舍琴不彈神大内健内
 大臣勸使彈之未幾不聞琴音奉火而視既
 崩矣才書皇后生應神帝於筑紫下載一視
 曰天皇不信神海忽病而崩其意似為神之
 所崇然據上諸說考之天皇之崩蓋有非常
 之事而隱諱遷就其言難得而知矣又按本
 書注舊事紀古事記並言崩年五十二然生
 年無定說傳皇后及武内宿禰秘不發喪皇
 后詔中臣鳥賊津天三輪天友主物部贈昨
 天伴武以等曰事紀載物部多速麻連公帥百寮守宮中
 密令武内宿禰奉梓宮從海路至元門殞於
 豐浦宮皇后傷天皇慢神早崩乃解眾改過

欲得皇國即命百寮造齋宮於小山田邑三
 月壬申朔吉入齋宮親為神主使武内宿
 禰奏琴以中臣鳥賊津為審神者以千種高
 繒置琴頭尾而請曰嚮所教者為何神也禱
 七日神告曰伊勢國五十鈴宮所居神撞賢
 木巖之御魂天疎白津媛命也又問別有神
 乎曰尾田吾由節之淡郡所居神又問曰玉
 籤入彥巖之事代神又問曰不知者無鳥賊
 津曰今不答而後有言乎曰日向國橋小門

之水底所居神表筒男中筒男底筒男遂不
復言乃從神語祭之尋遣鴨別討熊襲旬日
而吸荷持田村有羽白熊驚者人身鳥翼強
健能飛劫盜作畜皇后欲誅之十七日戊子
發檀日宮至松峽宮二十日辛卯出軍層歧
野擊滅之二十五日丙申轉至山門縣誅土
蜘蛛田油津媛其兄夏羽師衆來迎聞田油
津誅即亡夏四月三日甲辰皇后至火前國
松浦縣食于玉島河上乃勾針作釣以飯為

餌囊縛為繩登磯石投竿祝曰吾可得室國
河魚吞之果獲細鱗魚自是每歲四月上旬
女子釣獲羊魚如男子雖釣不能獲魚皇后
喜神言者驗決意西征夏祭神祇置神田作
裂田溝漑之皇后還檀日浦解髮臨海曰吾
奉神祇之教賴皇祖之靈欲涉滄海躬致西
征今濯髮海水若者驗髮分而兩即入海濯
之髮自分焉隨為兩髻謂群臣曰興師動衆
國之天事安危或必在于斯今有所征伐以

事委群臣事若不成不得不委罪於群臣是
可憂也吾婦女不肯當假狀男子以資雄略
上倚神祇下賴群臣振兵甲而度峻浪整舩
舶以求財土事成群臣共其功不成吾獨有
罪群臣皆曰皇后為天下計臣等敢不奉詔
秋九月十日己卯令諸國繕舩練甲久之兵
衆不集皇后謂此必神之意因建天三輪社
奉刀矛以祭軍衆自聚於是使海人鳥摩呂
見海中之國還曰無所見也又使名草往復

余曰西北有山帶雲橫亘蓋有國乎乃卜日
刻期皇后親執斧鉞令三軍曰金鼓無節旌
旗錯亂則士卒不整貪財多欲懷私內顧則
必為敵擒寡而勿輕強而無屈奸暴勿赦降
服勿殺勝者必賞走者必罪時有神誨曰和
魂從玉體以護壽荒魂為先鋒而導舟師皇
后拜命因以依網吾彥男重見為祭神至此
時皇后適當產月乃取石捧腰祝曰願事竟
還日生於茲土後人傳為鎮懷石

後人以下
據萬葉集

村按萬葉集或曰在肥前彼杵郡古老相傳皇

在筑紫伊斗村釋曰本紀引筑紫風土記筑

前風土記並曰右使荒魂為先鋒請如魂以

鎮船冬十月三日辛丑遂發和珥津右事記

從神教以夏本仄矣孰多大魚交舩風順浪

揚不勞擄揖直抵新羅潮水怒漲逮其國中

新羅波沙寐錦本書注一本作于戰慄不知

所為曰自新羅建國以來未嘗聞海水凌國

意天運衰竭國其海乎言未畢旌旗蔽海鼓

吹震地新羅王遙望以為非常之兵將滅已

國倉皇驚伏既而悟曰吾聞東有神國曰日

末右聖至曰天皇是其神兵也豈可舉兵以

拒乎即封國籍素組面縛素旆乘降向舩中

頭請自今而後永為餉郡春秋獻馬梳馬鞭

年貢男女之調乃誓曰若朝日出西姑舍之

及阿利那禮河水及逆添河石屏為星辰闕

春秋之朝廢梳鞭之貢天神地祇殛之或言

斬新羅王皇后曰初承神教將授金銀之國

庫

又令三軍勿殺自服今既得國又亦降服殺
 之不祥乃解其縛為餉部八情惡童訓太平
 書石上曰新羅王日木大按皇后征新羅此
 問眾之師正降服朝貢耳不應辱國王如非
 已甚二書所載未知何據蓋以上世有火酢
 芥奈苗裔諸人等代火物而奉事之說附
 會為此說耳三善信行也短於遂繫長於守禦
 蓋強弩為神其為用也短於遂繫長於守禦
 古語也故傳云此蓋有神功皇位者不如巧思別所
 製作也故傳云此蓋有神功皇位者不如巧思別所
 利也按造強弩蓋附在征韓之時遂入其部封
 半然本書所不載附在征韓之時遂入其部封
 重宝府序收圖籍文書以所杖牙樹之新羅
 國門以為後世之證其矛相傳在國門云新

怒

羅王以鼓珍于政微叱已知為質獻金銀彩
 色綾羅縑絹等八十舩從是新羅調貢以八
 斗舩為制本書注一木曰禽新羅王骸脚海
 中則留一人為新羅宰而還新羅王夫人不
 知理王死之處乃欺宰曰汝告我羅王埋屍地
 必厚報之且吾為汝妻宰信其言密告之於
 是夫人與國人共譏殺宰改葬王屍及取
 宰屍籍之墟內而安王櫬於其上曰尊早次
 第固富如此皇后聞之震思大起軍眾欲滅
 新羅軍艦夫滿新羅棟高麗百濟聞新羅降
 懼共殺夫滿人以謝罪高麗百濟聞新羅降
 密復吾軍勢度不可勝亦來降叩頭曰自今
 以後永稱西蕃調貢無怠因命定内屯官家

古事記曰以百濟國定渡此家於是三韓悉服祭荒魂以鎮

其國祭以下振旅而還十二月產皇子於筑

紫是為應神帝皇后從神教立祠穴門山田

邑祭表筒男中筒男底筒男神之荒魂以踐

立為祭至葬天皇於河內長野延喜式曰惠我長野西陵

追謚曰仲哀天皇

應神天皇仲哀帝第四子也母氣長足姬皇

后以仲哀帝九年十二月十四日辛亥生于

筑紫蚊由初而聰達玄鑿深遠勤客進止聖

田

上

表著異狀正肉起如鞠似皇后雄裝負鞠故

召譽田按本書註古亦稱胎中天皇本書繼

皇紀辛巳歲二月皇后奉天皇帥百僚至豐

浦宮發仲哀帝喪將奉梓宮還京時天皇庶

兄麁坂王忍熊王舉兵要皇師于播戶會麁

坂死忍熊退化作吉皇后即使武內宿禰懷

天皇轉自南海古事記曰皇后疑人說天

至紀伊永門皇后直向難波舟忽不行還務

右永門卜之適得神言即從其言立諸神祠

古

祭焉舩遂進忍熊又退軍菟路皇后乃會天
 皇於紀伊日高入小竹宮計議進討時天色
 晦暝如夜連日三月五日庚子皇后遣武内
 宿禰武振熊擊忍熊忍熊敗死十月二日甲
 子群臣尊皇后曰皇太后臨朝攝政武内宿
 禰為大臣如故武内以下補任按旧事紀是
 連壬子歲十一月八日甲午葬仲哀天皇癸
 未歲正月三日戊子皇太后立天皇為皇太
 子時年四歲以本書注及旧事紀曰三歲按帝
 子時年四歲以仲哀帝九年庚辰生至此四

歲今從水鏡都磐余謂之雅櫻宮舊事紀曰
 皇年代略記是日以物
 部五十琴 己酉歲正月七日己酉新羅遣行
 為大連 礼斯伐毛麻利吒智富羅母智朝真散吒許
 智請歸國皇太后許之遣葛城襲津彥送之
 癸巳歲二月八日甲子皇太后命武内宿禰
 奉皇太子詣角鹿笥飯太神古事記曰忍熊
 奉太子將禊歷淡海若狹速角鹿作行宮而
 居過夢伊奢沙和氣大神詢太子曰以吾言
 易太子名本書註一說曰太子拜笥飯太神
 時太子名太子相易其名故號太神曰去來
 紗別神太子名譽田別尊然則可謂太神本
 名譽田別神太子名譽田別尊然則可謂太神本

見十七日癸酉至自角鹿皇太后設宴大
 殿舉觴為皇太子壽而哥武內宿禰代皇太
 子答哥己未歲遣使於魏庚申歲魏主遣共
 建中校尉楊儁來聘癸亥歲遣使於魏己未歲以
下本書注丙寅歲三月乙亥朔遣斯摩宿禰
 于阜淳國其王未錦早岐告斯摩宿禰以百
 濟仰化之狀斯摩宿禰乃遣使慰問百濟其
 王肖古陳歎歸化斯摩宿禰遂還按仲哀帝九年神功
伐新羅三韓悉服至此四十七年而曰百濟
 始通及前後矛盾蓋神功時雖既服未入朝

至是始貢丁卯歲四月百濟使久氏彌列流
 莫古與新羅使共朝貢皇太后皇太子大喜
 曰先帝所欲國人今來朝痛哉不及見也群
 臣皆為掩涕是時新羅奪百濟貢物相易而
 獻敕責新羅使者遣于熊長彥於新羅責問
 之己巳歲三月以荒田別鹿我別為將軍率百
 濟人久氏等討新羅破之遂定比自時南加
 羅喙回安羅多羅卓淳加羅七國庚午歲二
 月荒田別等還五日于熊長彥及久氏至自

百濟辛未歲三月百濟又遣久氏朝貢庚午

年至自百濟而皇太后謂皇太子及武內宿

禰曰惟是百濟國者是天所致非由人力玩

好珍物歲時貢獻吾每喜焉其敦加恩惠即

遣千熊長彥護送久氏賜命百濟王曰吾從

神所誨始開道路平定海西以賜百濟今厚

結好永寵賞之百濟王誓願曰恩重天地何

日忘之聖王在上明如日月今臣居下固如

山岳永為西蕃終無戴心壬申歲九月十日

丙子百濟使久氏從千熊長彥來乃貢七枝

力七子鏡各一及重宝數種乙亥歲百濟王

肖古卒丙子歲百濟王貴須立壬午歲新羅

不朝使襲津彥討之甲申歲百濟王貴須卒

子枕流立乙酉歲百濟王枕流卒子阿花卒

少叔父辰斯奪立丙戌歲遣使於晉阿晉註

居已丑歲四月十七日丁丑皇太后崩十月

十五日壬申葬氣長足姬皇后

元年庚寅春正月丁亥朔皇太子郎天皇位

卒字恐年諱

年七十一是為譽田別天皇都性島都以下

古事謂之明宮 舊事記作豐明宮字佐託宣

在大和郡

二年辛卯春三月壬子本書曰春三月庚戌

月庚辰朔無壬子四月庚戌朔壬子仲姬為

皇后

三年壬辰冬十月三日癸酉東蝦夷朝貢即

使蝦夷作廐坂道十一日海人擾動不從皇

命遣大瀆宿禰為海人宰安輯之是歲遣紀

角宿禰羽田矢代宿禰蕪我石川宿禰平群

禾菟宿禰於百濟讓責辰斯失禮國人殺辰

斯以謝角宿禰等立阿花而歸

五年甲午秋八月十三日壬寅定諸國海人

及山守部冬十月令伊豆作舩長十丈設之

於海輕疾如馳名曰枯野

六年乙未春二月行幸近江

七年丙申高麗百濟新羅任那入貢使武內

宿禰領韓人作池因號韓人池古事記作百濟池

八年丁酉春三月以百濟王阿花無禮削東

韓之地阿花懼使其子直支來朝謝罪本書註引

百濟記

九年戊戌夏四月遣武內宿禰于筑紫監察

百姓按帝王編年記十年辛丑創

十一年庚子冬十月作劔池涪池鹿垣池廐

坂池

十四年癸卯春二月百濟貢縫衣女是歲秦

始皇之裔秦以錄下弓月君自百濟來奏臣領

國人歸化為新羅所拒留于加羅乃遣葛城

襲津彥於加羅召之

十五年甲辰秋八月六日丁卯百濟王阿花

使阿直政貢良馬二匹古事記曰百濟照古

馬各一匹遣荒田別於百濟徵王仁古事記

濟王以

十六年乙巳春二月百濟王使王仁古事記

吉師今按王仁率治工阜素吳服西素釀酒

仁番等來朝獻論語十卷千字文一卷

事記又曰仁香亦冬須頌詩是歲百濟王阿

花卒救直支還國嗣位賜所削東韓之地秋

八月詔遣平群木菟的戶田於加羅按本書

官人看稱賜姓曰的率兵莅新羅之境問襲

津彥不歸之狀新羅王服罪木菟等將襲津

彥及弓月人口而歸

十九年戊申冬十月戊戌朔行幸吉野宮國

操人獻醴酒哥而伽笑自是獻貢歲以為常

二十年己酉秋九月漢主劉宏之裔漢主以下

額阿知使主率具子都加使主及黨類十七縣人來歸

二十二年辛亥春三月五日戊子行幸難波大

隅宮夏四月妃兄媛歸寧吉備秋九月六日丙

戌將淡路島巡省吉備行幸小豆島十月庚

寅至葉田葦守宮兄媛兄御友別來謁獻食

天皇喜之封其子弟於吉備諸縣古事記曰仁

海部直之其女黑日賣黑日貴懼后之好逃歸

其江帝望其舩作哥后聞之大怒追奪其舩

而使步歸帝眷意不已託言幸淡路島而將

赴吉備比至淡路遙望而歎遂至吉備黑日

賣獻食以菘菜作羹，和為哥，云云。今按與此相類，疑一事，而所記各異，附以備攷。

二十五年甲寅，百濟王直支卒，子久爾卒。立年，幼大倭木滿致擅政。天皇聞其暴戾，召之。

二十八年丁巳秋九月，高麗王遣使朝貢表，文無禮，詰責使者，壞其表。

三十一年庚申秋八月，詔曰：官舩枯野，伊豆國所貢之舩也，朽不堪用。然久為官用，欲不泯其名，而得傳後世。於是群卿令有司致舩為薪，以煮鹽，得五百籠，頒賜諸國。因命作舩，諸國獻舩五百艘，湊於武庫水門。會新羅調使泊武庫，失火延燒，所湊之舩，讓責其使。新羅王懼，貢良匠，初煮鹽之時，舩材有不焦者，天皇異之，命作琴果良材也。

古事記曰：仁德帝時，兔寸河西有喬木，朝日則影遠淡路島。夕日則越高山，伐之。作舩，其行輕捷。呼曰：拓野。用旦夕運淡路島。泉泉以為供御。及壞，燒鹽以焦餘，作琴音。聞七里，按此亦疑一事，而所記各異。

三十七年丙寅春二月戊午朔，遣阿知使主

都加使主于吳求縫工女。按是時吳亡入晉，蓋沿稱舊號下倣。

之

三十九年戊辰百濟王直支使其妹新齊都

媛入侍按本書二十五年直支卒子久爾卒

年此云直支者疑有誤

四十年己巳春正月二十四日甲子立菟道

雅郎子為皇太子命大鷦鷯皇子輔之使大

山守皇子掌山川林野舊事紀曰以物部

四十年庚午春二月十五日戊申天皇崩

于明宮本書註一本云大隅宮年一百一十一古事記曰

歲本書一百一十按帝以仲哀九年庚辰生庚寅

即位年七十一至庚午實百一十一歲也故從水鏡等諸書是月阿知使主

等率工女兄媛弟媛吳織禿織至自吳葬河

內惠我藻伏山園陵本書葬兩今據古事記

追謚曰應神天皇元明帝和銅五年造鷹居

社於豐前守佐郡號八幡大神宮字佐託宣

佐宮諸書或為欽明帝三十二年今推覈事

實欽明朝神靈始見於世而造宮在和銅五

年其說詳紀清和帝創山城男山以為宗廟歲

時奉祭石清水八幡緣起正統記

大日本史卷三終

宇



Vertical columns of handwritten text in a traditional Japanese style, contained within a rectangular border. The text is mostly illegible due to fading and bleed-through from the reverse side.

得業生藤田利勝校

